

آبونه شرائطی

ممالك عثمانیه ده سنه لکی (۶۵)، الق
ایلغی (۲۵) غروشدور .

ممالك اجنبیه ده سنه لکی (۱۷)، الق
یلغی (۹) قرانقدور .

اداره خانه

باب عالی جاده سنده دائره مخصوصه

اخطارات

آبونه بدلی پشندور .

§

مسلكه موافق آثار مع الممنونیه قبول
اولنور . درج ابدله بن یازیلر احاده
اولونماز .



۱۳۳۰

اخطارات

رساله مزدن آلمدیغی کوسونلک شرطیه
بتون یازیلر هر هانکی برهونه طرفندن
اقتیاس اولونه بیلیر .

§

مکتوبلرک، امضالرک واضح و اوقوتاقلی
اولمسی و آبونه صره نومروسى محتوی
بولونمسی لازمدور .

§

ممالك اجنبیه اچون بونه اولر
درسلیرشک فرانسزجه ده یازلمس و جا
اولنور .

§

ردوندرلدیکى، ان نه یه دائر اولدیغى
واضحاً بیلدیلمس و جا اولنور .

انکلیز لسانده مقتدر واعظان یتیشدیرمک ایچونده دلهیده منتظم بر مکتب تأسیس ایتشلردر .

مفتی قومیندر رؤسایک محاکمسی . — کالکونهده کی هندولرک خفی قومیتلرینه منسوب اولوب ، بو آنه قدر بر جوق مدهش ایشلرده بولنان و صوک زمانلرده یاقه پی اله ویرن (سلطان شاد) ک محاکمسه هر کس صبر سزقله انتظار ایله مکدهدر .

ژاپونیا :

آسیای ترقی برر طایفه جمعیتی . — آوروپا میسیونر دواثرینک وسیاسی مأمورلرینک کنج آسیا عناصرینی اخلاقاً آلاچالتمق و فکرآ ترقی ایتمکدن منع مقصدیله و بویوک مبلغلر صرفیله وجوده کتیرمکده اولدقلری جمعیتلرک ملل شرقیه اوزرنده اجرا ایندیکی وایده جکی تأثیراتی نظر اعتباره آلاق ژاپون علماسندن بر قاج ذاتک تحت حمایتسنده توکیو مکتب عالییه سی طلبه سی میاننده « آسیای ترقی پرور طلبه جمعیتی » نامیله بر دایره تأسیسی مقرر ایدی .

صوک آلدیغمز خبرلره کوره مذکور جمعیت تأسس ایتش وریاستنه عثمانلی طلبه سندن ژاپونیا مخبر مخصوص احمد منیر ، کتباتنده ژاپونیالی هاروو قوبوتا افندیار تعیین اولونمشدر . جمعیتک تأسسندن اساس مقصد آسیای طلبه نک اخلاقاً فکرآ ، بدناً ، علماً و اقتصاداً ترقیاته یاردم ایتمکدر .

الیوم جمعیتک اعضالری میاننده عثمانلی ، چینلی ، ژاپونیالی . هندی ، قورولی و سیاملی افندیلر بولونمقدهدر . آسیانک هر طرفنده بو جمعیتک شعبه لری کشاد اولونمق ایچون تشبثاته باشلامشدر . مراجعت ایتک آرزوسنده بولنان طلبه ایچون آدرس بوجه زیردر :

Japan Tokyo , Waseda University , The secretary of Asiatic Student Progressive Society , Mr Haruo Kubota , (Political Dept.)

افغانستان :

مدرسۀ شاهی ده دارالمعلمین تأسیسی . — افغانستان مکتب ابتدائیه سنه معلم یتیشدیرمک اوزره کابل شهرنده مرحوم امیر عبدالرحمن خان طرفندن انشا ایتدیرلمش اولان (مدرسۀ شاهی) داخلنده بر (دارالمعلمین ابتدائی) تأسیس و کشاد اولونمش ، مکتب ابتدائیه معلملریله معاونلرندن وسائر هوسکاران تعلیمدن عبارت اولارق آلتش کیشی بورایه تعلم ودوامه باشلامشدر .

بوحوادثی ویرن (سراج الاخبار افغانیه) غزنه سی مذکور مکتبده یومی ایکی ساعت درس اوقوتولدیغنی ودرسلرک علوم دینی ، فارسی ، حساب ، جغرافیا و حسن خطدن عبارت اولدیغنی سویلیور ، برده دارالمعلمینک تدریجاً رشدی و عالی قسملرینک آچیلانغنی خبرویریور .

بو کون قبالی برقازان کچی قابنامقده و بخسار قوتیله یک یقینده او منجوس قباغی بر طرفه فیرلانمق اولان هندستان ، شرقی روسیای هپ او ظلمک علولری ایله قابنامقده ، هپ او میسیونر طوزاغینک قوردینی اوجاغی سوندیرمک ایچون جمع قوت ایتمکدهدر .

چینده کی صوک جمهوریت جریانی دخی ، چین اهل بصیرتک میسیونر ییلاسندن قورتولمق ، و استقبالدۀ اومنجوس طوزاغه اجزای وطنلرینی دوشورمه مک ایچون مصیب بولدقلری حرکات وطن پرورانهدر .
توکیو ، وصیده دارالفنون احمد منیر بن عبدالرشید

شیراز

حجاز :

مربنه - مکۀ منطی . — اندۀ بانداس به لث غزنه سنک سوریه ده کی مخبری شو حوائی ویریور : « هندوستان پرسنلرندن امیر عبدالکریم قاز نوغ خان حضرتلری مکۀ مکرمه دن حیفایه مواسلت ایتشلردی . حیفا قائمقامی ایله اوراده مقیم انکلیز قونسولوسی ، امیر مشارالیه حضرتلرینک هندوستان شورای امپراطورینسی تشکیل ایدن بش بویوک پرسنلرک بریسیدر . یکرمی درت ملیونی اسلام اولمق اوزره قرق ملیون اهالینک منلی اولدیغنی بیان ایدیورلر . بوذات عالی برای حج شریف مکۀ و مدینه یه کن وطنداشلرینک احوالی تدقیقه هند حکومتی طرفندن مأمور قیلنمشدر . فحامتلو امیر حضرتلری هندجه ، انکلیزجه ، آلمانجه ، ایतालیمانجه و فارسیجه لسانلریله متکلمدر . اون اوج سنه قدر انکلیز قولله زلرنده دارالفنونلرنده تحصیل ایله وقت کیرمش ؛ بر قاج دفعه ده دور جهان سیاحتلرنده بولونمشدر . امیر حضرتلری شمندوفر خطنک مدینه منوره دن مکۀ معظمه یه قدر تمیدیخی رجا ایدیور . بوخطک انشاسی ایچون لازم کان اوتوز ملیون فرانک یکرمی بش ملیونی بالذات کندیبی اعطا ایده جکنی ، عملیاته باشلار باشلاماز در حال تعهدینی ایفایده جکنی بیان بیورمشلردر . امیر حضرتلری لوندرده ایشنی بتیردکن صوکرا درسعادتی ده زیارت بویوره جقلردر . »

هندستان :

دین اوغورنمه . — پروتستان میسیونرلرینک هندستانه کلهرک ششصرانیت ایتلری هند مسلمانلرینه آغیرکلدیکی جهته ، دین اسلامک حقایق عالییه سی ایضاح ایتک ایچون هندک ایچورلرندن شیخ کمال الدین نامنده برذات محترم لوندریه قدر اختیار سفرایتش و مشهور لورد هیدلی آنک ارشاداتیله شرفیاب اسلام اولمش ایدی . بونتیجه خیریه هند مسلمانلرینه وارد اولنجه علمادان انیس احمد و محمد علی پاشا نامنده ایکی ذاتی ده هر درلو مصرفلرینی درعهده ایدرک لوندریه قدر کوندرمه قرار بوردکلری کچی ، علوم دینییه و انکلیزجه بی مکملآ تعلیم ایتک و بوضورتله

موسقوفك يابريغنه افغانستانده عینیدم مقابله ایله بیابور. — سراج الاخبار دیورکه: «کویا افغانستان حدودنده کی قلاع و استحکاماتک خریطه و پلانلری چیقاروب حکومتلرینه تقدیم ایلش اولان ایکی افغان جاسوسنک روسیهده طوتولش اولدیغنی روس غزتلرندن نقلاً (تحف بر روایت) سرلوحه سیله یازمشدق.

مسقوف جرائدی اخیراً بوحوادنی تازه له یه رک طوتولان جاسوسلرک عسکری جزا قانونی موجنبجه محاکمه و مجازات اولونا جقلری یازیورلر. بز، بوحوادنک اصلی اولمادیغنی سویله مکله برابر شاید بویله بر جاسوس توقیفی و جزا قانوننک تطبیقی تأید ایده رسه البته روس جاسوسلرندن بری یا خود بر قاجیده افغانستانده یا قالا نیر، اووقت حقارنده عینی معامله تطبیق اولونور، دیرز.

زنکبار:

زنکبارده یکی بر مجلس. — زنکبارده (مجلس حمایه زنکبار) نامی آلتنده یکی بر مجلس آچیلمشدر. بوراده حکومت ایچون یکی قوانین و نظامات وضع ایدیلجه کدر. زنکبار امیری مجلسی مراسم مخصوصه ایله کشاد ایتش و اوکیجه یکی مجلسله اعضالرینک شرفه بویوک بر ضیافت ویرمشدر.

زنکبار هاکنه نشانه اعطاسی. — انکلتزه حکومتی طرفندن زنکبار هاکنه (سن جورج) و (سن میشل) نشانلریله (سر) لقبی ویرلشددر.

آثار عتیقه دن: قونییه ده «قره طای مدرسه سی»

یارسده منتشر «فیغارو» غزته سندن مترجمدر: «تدقیقات فیه و صناعیه اجراسی مقصدیله اناطولییه عزیت ایتش اولان موسیو آرنست هیرارد ایله برادری موسیو ژان هیرارد، صنایع نفیسه نقطه نظرندن غایت شایان دقت نتایج مشمره ایله عودت ایتشلردر. بواکی برادرک برنجیسی، یعنی موسیو آرنست فرانسه معارف نظارتی طرفندن قونییه ده کاش و تکرار طرفندن انشا ایدیلش اولان آثار و مبانی عتیقه تک تدقیق و تحریسنه مأمور قیلنمش ایدی. برادری موسیو ژان ایسه کندی حسابنه اوله رق آرنسته رفاقت ایتشیدی. مفصلاً تدقیق ایتش اولدقلری مبانی عتیقه دن برنجیسی سلطان «کی کاوس» ثانی نیک اعظم رجالدن برذات طرفندن ۱۲۵۱ تاریخ میلادیسنده انشا ایدیلش اولان «قره طای» مدرسه سیدر. بوبنای مختشمک غایت ظریف و صنعتکارانه برطرزده بولونان «موزاییق ایله انجه چین و کاشانی» ایشاله مه لری، وقتیه اسیانیده اندلسیلرک اوزیتدار مبانیه مشاهددر. موسیو آرنست هیرارد بوبنای مختشم ایله اونفاستده بولونان دیگر اوچ قطعه آثار عتیقه نک رسملری «انستیتو» موزمسی هیئته تقدیم ایتشدر.»

آثار منتشره:

لسان عثمانی

برزمانلر ع. نادر نام مستعار یله بعض رسائل موقوتیه، اووقت قدر امثالی کوروله مش، شعرلریازان کالزاده علی اکرم بک افندی حضرتلری شو صولک کونلرده ملته «لسان عثمانی» عنوانیه بر اثر منظوم دهها قازاندیردی.

بواثر لسان عثمانیک ماضیسندن، کیردیکی ادوارندن، هانکی هدف تکامله طوغرو یورومک استعدادنی حاز اولدیغندن هیچ خبری اولمایان؛ حتی لسانک حقوق عمومیه دن اولدیغنی خاطرلرینه کتیره یه رک شیوه مزده بیلدیکی کی تصرفاته قیام ایدن برطاقم افراط جیلره قارش یازیلشدر.

واقعا بز اوتهدن بری ساده لک طرفداری ز. لکن بوخصوصده هیچ برزمان افراطه وارمق ایسته میز. هله اسشمالی ضروری اولان بعض ترکیبلی اصلا لساندن قالدیرمق فکرنده دکاز. اونک ایچون علی اکرم بک افندی بی مطالعه لرنده بک مصیب کورو یورز.

ملنک ادبیاتنه، وصیت کی فریاد کی؛ صوکره، هربری بر جهان معنی اولان الواح طبیعت کی مخلص شعرار اهدا ایدن ادیب مشارالیه شویکی اثرلرندن طولانی عرض شکران ایدر و مطالعه سنی عموم قارئلریزه توصیه ایتمی کندیمز ایچون بر وظیفه بیلیرز. بدلی برغروشددر.

المختصرات

افاخم علمائی اسلامیه دن حاجی ذهنی افندی مرحومک اثر و ابسنی اولوق اوزره بو نام ایله بر اثر نافع طبع و نشر ایدیلشدر. (نعمت اسلام) کلیاتنک مختصری بولنان بو اثر عالی بی مطالعه جدیه مراقیلرینه توصیه و ماهیت مفیده سنی قارئین کرامه آ کلامق ایچین مقدمه سنی بروجه زیر درج ایدیورز:

(المختصرات) ک مقدمه سی

«باسم الله والحمد لله والصلاة والسلام علی خیر خلقه سیدنا محمد خاتم رسل الله. انسانه عقائد حق و طهارت کامله اوزره عباداتی و عدل و نصف اوزره معاملاتی و اخلاق فاضله اوزره معاشراتی تعلیم ایتمکده اولدیغندن دین اسلامدن بیوک نعمت اولماز. الحمد لله علی نعمة الاسلام و کفی بنعمته.

(نعمت اسلام) نامنده کوچک بر علم حال رساله سی وار ایدی که او رساله کک اخیراً فقهک عبادات و مناکحات اقسامی حاوی بیوجک بر کتابه مبدأ و قسم اول اولمشیدی.

عبادات قسمی طهارت و صلات و صوم و زکات و حج مسائلنی جامع مستقل برر کتاب اوله رق نعمت اسلامه قسم ثانی قیلنمش و ذبائح و اضحیه و عتیقه مسائلیه ده کتاب الحجیه ذیل ایدیلشیدی. ایشته او بش کتابدن عبارت اولان قسم ثانی نعمت اسلام بودفعه اختصار اولنه رق کتابلرک اسملری اولنه برر (مختصر) کله سی کچیریلدی. و جمله سنه بردن (المختصرات فی مسائل الطهارة والعبادات) نامی ویریلدی. کتاب زکات ایله کتاب حجک مختصرلرینک اصللرنده اولمایان بعض مسائل زیاده ایدیلدی. و ماتوفیقی الا بالله.

۲ محرم سنه ۱۳۳۲ «محمد زهنی»

ع. اشرف ادیب

«توسیع طباعت» مطبعه سنده
باصیلشدر